

Usurbilgo Sagardo Eguna, XV. aldiz

Aurten botilaratutako sagardoa dastatzeko aukera ezin hobea herriko plazan, goizeko 11.30etatik aurrera

USURBILGO plazara hurbildutako guztiek 45 bat sagardogileen sagardoa probatzeko aukera izango dute, edalontzi egoki bat erosiz gero. Edateaz gain, informazio mahai bat ere izango du, egunari eta Gipuzkoako 60 sagardotegiri buruzkoa. Bertsolari, txikiti eta sagar gozoki artean, muztioa nola egiten den ikas daiteke, 300 kilo sagar plazan bertan dolarean txikitu eta prentsatu egingo baitira. Sagardoz izeneko likorea egiteko prozesua ere ikusgai izango du Usurbilgo plazara hurbildutako jendeak.

Duela urte batzuk jada Andatza Kultur Taldearen aburuz sorturiko ekimenaren azken edizioaren egitaraua duzu hau, gutxi gora-behera. Egun, Sagardo Egunaren Lagunak taldeak antolatzen du, eta talde honetako partaide diren Ainhoa Labaka eta Aitor Egiletak aurkeztu digute bere funtsa. «Hamar lagun gara. Duela bost urtetik hona antolatzen dugu egun hau, eta ez gara horretara mugatzen. Ez dugu talde itxi bat izan nahi. Ez dugu Sagardo Eguna bakarrik antolatu nahi. Herriko jendeak eza-gutu dezala zer den sagardoaren mundua, eta horretarako alde aurretik erakutsi egin behar dizkiozu sagarraren, sagarrondoaren eta beste hainbat gauzaren zer-nolakoak».

Sagardoari buruzko aldizkari-txo bat ere ateratzen dute gazte hauek. *Berripapera* izenarekin, iazko Sagardo Egunean argitaratu zuten lehen aldiz; txotx garaiaren hasieran bigarren, eta hirugarrena gaur. «Urtean bitan gutxienez ateratzea espero dugu. Sagardotegietako gida, sagardotegi eta inguruko buruzko informazioa eta beste bilduz».

Usurbilgo plaza, Gipuzkoako sagardozaleen topagune egun batez. Ez da arraroa, Labaka eta Egiletaren ustez. «Usurbil beti izan da sagardogilea, Gipuzkoako herri asko bezalatsu. Egun ere badira baserriak beraiantzako sagardoa egiten dutenak».

Usurbilgo herriak sagardogin-

Gaur bertan ospatuko da Usurbilen XV. Sagardo Eguna. Goizeko hamaika eta erdietatik aurrera jarriko da martxan. Irrintziak, txapalarta, trikitia, sagardo botatzaileen lehiaketa, pintxoak, jendea... Hamaika gauza, baina ardatz bakar baten inguruan denak: sagardoa. Eta nor egokiago egun honi buruz hitz egiteko Sagardo Egunaren Lagunak baino?



Sagardo Egunaren Lagunak taldekoen helburua sagardoa jende artean ezagutaraztea da, etxe gehienetan izan den edariak egun ere bere lekua ukan dezan

XOUSE SIMAL

45 sagardogile inguru izango da Usurbilen, 120 botila eskainiz beren produktua dastatu nahi duen edonori

tzarekin izan duen harremanen adibide, Aitzaga tabernan elkarte honetako partaideek erakusketa bat antolatu dute, 1981ean herriko dolareei buruz egin zen datu bilketa bat oinarritzat hartuz eta hainbat argazki erakutsiz. «Uda honetan berriro egin nahi dugu datu bilketa hau, hamabost urteotan zer aldatu den eta zer ez ikusteko».

Sagardoaren inguruko museoak bultzatzeko eta osatzeko proiektua ere buruan darabilte lagun

hauek, baina horretarako hainbat erakunde eta sagardozaleen laguntza beharko lukete, eta ez dute oso gertu ikusten. «Amets bat da batez ere, urrun dagoena oraingo, interes handirik ez baitugu sumatzen hainbat lekutan».

Sagardo Egun hau lehen aldiz antolatu zenetik hona gauza asko aldatu dela argi dute. «Duela 15 urte ia inor ez zen joaten sagardotegietara, adibidez. Jendea gero eta gehiago animatu da sa-

gardo egun ezberdinak antolatzeko. Hemen, batez ere edari honen irudia bultzatzeko hasi zen. Orain, beste zentzu bat eman nahi zaio, botilako sagardoa bultzatzearena, txotx garaia probatzeko eta gero edateko dela jakinarazteko». Sagardo Egun hau alderdi horretatik probaketa gune dela gehitzen dute, festa heziketarekin nahastuz.

Ikasketa ezberdin asko topa daitezke. Sagardoa nola egiten den, atera eta edaten den... Usurbildar ugariaren laguntzarekin guztia, ezinezko litzateke eta bestela hamar laguneko talde honentzat bakarrik egitea dena. «Jendeak berehala ematen du

Ongi botatzearen artea

BOTAKETA lehiaketa Sagardo Egunaren zati ezagun eta ikusgarrienetako bat izaten da urtero. Arratsaldean izaten da. Megafoniaz, izena emandako lehen 12 lagunak onartuko direla esaten da, eta horiek igotzen dira oholtzara handik gutxira.

Ainhoa Labaka eta Aitor Egiletak, Sagardo Egunaren Lagunak taldeko partaideek diotenez, oholtzara igotzen den jendea ezberdina izan daiteke oso. «Gazteak, ez hain gazteak eta helduak nahas daitezke. Egun horretako haize boladen arabera izaten da. Inoiz ezin da jakin zer topatuko den aurtengo lehiaketan».

Horrela, sagardotegietako jendea anima daiteke, eta inoiz sagardorik bota ez duena ere bai. «Baina normalean zer egin behar duen ezin hobeto dakien jendea izaten da. *Ikuskizun polita osatzen da honela*».

Epaimahal aurrean aritzen da botatzaile bakoitza, eta epaimahalkoek botatzeko estiloa, edalontziaren neurria (bakoitzean botatuko kantitatea) eta alferrik galdutako sagardo kantitatea izaten dituzte kontuan. Hiru faktore horien arabera ematen dute epaia.

izena laguntzeko zerrendetan. 150 bat lagun guztira».

Hamar-hamabi mila lagun inguru bildu izan dira egun berean Usurbilgo plazan, goizez sagardozale bakoitzak irekitzen dituen 60 botilak berehala husteko prest. Arratsaldean beste hainbeste, eta berriro amaitzen da berehala sagardoa. «Nahikoa da sagardo kopuru hau, probaketa egiteko bai behintzat, eta ez ahaztu hauxe dela egun honen funtsa». X